

BANJA ILIDŽA

Čuveno ljekovito kupalište Ilidža leži 13 km zapadno od Sarajeva, na podnožju Igman planine, 499 m nad morem.

Ovo lječilište je danas pod upravom Drinske banovine, a bilo je glasovito još u doba Rimljana, te su vjekovima tu tražili lijeka bolesnici. Pri podizanju današnjih lječilišnih zgrada našli su na tomu zemljištu mnoge starinske (antičke) predmete, kao novce, mozaik i dr. iz 2 vijeka po Hr. Ilidža ima krasan položaj u ravnici na podnožju Igmana, usred prostrana borova parka. Ravnicu presijeca gorska rijeka, a željeznica je tik same Ilidže. Podneblje je subalpinsko, zdravo i ugodno, osobito u ljetnim danima, jer šuma Igman planine osvježuje uzduh i čisti ga U Ilidži nema nikada prašine.

U najnovije doba Ilidža je preuređena po nacrtima stručnjaka sasvim moderno, te ima krasno uređen park sa rondoom, alejama i cvjetnicama. Iz njih se dižu lijepi, moderno uređeni hoteli i ljetnikovci sa svim savremenim udobnostima. Tu su teniska igrališta, paviljon s kavanom u gustom omorikovoj šumi; zvjerinjak, igralište za djecu itd. Dva banovinska lječilišna hotela (H. Bosna i H. Srbija) spojena dugim hodnicima s restoranom. U lijepom parku, sučelice Hotelu »Srbija«, stoji Kraljevski ljetnikovac. Duga aleja vodi mimo lijebih privatnih ljetnikovaca i hotela na romantični izvor Bosne, gdje su uređena uzgajališta pastrva. Tu je i ljetni restaurant.

Termalni izvor Ilidža je uokviren okruglim bazenom, neprestano vri i ispariva velike količine ugljične kiseline. Uz izvor se dižu tri moderne zgrade, u kojima ima 36 kabina i 2 bazena. Osim toga ima tu blatno kupatilo i kupatilo ugljične kiseline te sumporno kupatilo. Tu je i hidroterapija i liječnička ambulanta s najmodernijim uređajem.

Indikacije: hronični reumatizam zglobova i mišića, hronično zapaljenje materice i njene okoline, sve vrste hroničnog

Banja

Bains - Bad

Ilidža

»Stara banja«

»Bains anciens«

»Altes Bad«